

清

史

稿

清史稿

士司傳三

雲南

雲南古滇國自越蠻蠻夷任貴自領太守光武即授以印綬不以內地官守例之若爨若蒙皆以本土大姓就官累世爲一方長元封梁王於滇與大理之段分治明破梁王滅大理就土官而統取之分宣慰使宣撫使安撫使正副長官司土府土州以治之清順治十七年平西王吳三桂定雲南明永明王走緬甸以沐府舊地封三桂永鎮雲南康熙十四年撤藩三桂遂叛三桂死其孫世璠襲三十一年克之世璠自殺雲南大定雍正初改土歸流之議起四年夏先革東川土目即進圖烏蒙時烏蒙土府祿萬鉅鎮雄土府隨慶侯皆年少兵權皆握于其叔祿鼎坤隨聯星鄂爾泰令總兵劉起元屯東川招降祿鼎坤惟祿萬鉅制于漢奸約鎮雄兵三千攻鼎坤于魯甸鄂爾泰遣游擊哈元生敗之又檄其相仇之阿底土兵共擄烏蒙連破關隘賊遂敗走鎮雄鄂爾泰復招降隨聯

足而鼎坤亦以兵三千攻鎮雄之魯兩曾皆遁四川于是兩土府旬日平以烏蒙設府鎮雄設州又設鎮于烏蒙控制三屬由四川改隸雲南以一事權其東川法戛土目祿天祐烏蒙米貼土目祿永孝尙各據巢思邊六年春遣兵破禽法戛又遣副將郭壽域以兵三百捕米貼賊逃渡小金沙江納四川沙馬司及建昌涼山谷夷裸數千潛回襲陷官兵鄂爾泰遺總兵張耀祖參將哈元生三路搜討詔四川建昌永寧官兵聽鄂爾泰節制于是自小金沙江外沙馬雷波香都黃鄉諸土司地直抵建昌袤千餘里皆置營汛形聯勢控並禽雷波土司楊明義而哈元生回軍復敗阿盧土司之衆數千屯田東川歲收二萬餘石課礦歲萬金資兵餉事甫定祿鼎坤以功擢河南參將怏怏失望其子祿萬福乞回魯甸治產見總兵劉起元軍律不肅陰會其舊部謀變時烏蒙商民萬計有險可扼且賊止標弩無大礮而劉起元惟始餒昫和賊遂陷鎮城盡戕兵民徧煽東川鎮雄及四川涼山蠻數萬叛鄂爾泰奏言臣用人儕事請別簡大臣總督兩省暫假臣提督將兵討賊雪憤世宗慰留之鄂爾泰調官兵萬餘土兵半

之三路進攻先令總兵魏翥國率兵二千七日馳抵東川得不陷而魏翥國旋爲祿鼎明刺傷乃以官祿代翥國烏蒙委總兵哈元生副將徐成貴鎮雄委參將韓勤勑以兵四百扼奎鄉敗賊四千連破四寨哈元生以千餘兵討烏蒙先至得勝坡遇賊二萬其黑寡暮末二渠皆萬人敵黑寡持長槍直犯元生元生左格槍右拔矢應手殪之又射殲暮末即竿揭二首以進賊奪氣再戰再捷進至倚那岡賊數萬連營十餘里我兵三千土兵千夜設伏賊營左右而嚴陣以待黎明賊數路來犯不動將偏陣礮起大呼奮擊山後伏兵左右夾攻賊大潰盡破其八十餘營獲甲械輜重山積即日抵烏蒙賊見元生旗卽反走克三關祿萬福兄弟祿鼎坤均伏誅六年鄂爾泰總督三省其土州安于普鎮沅土府刁滌及褚樂長官土司威遠州廣南府各土目先後効黜惟刁氏之族舍土目嫡糾威遠黑裸復反戕知府劉洪度于是盡徙已革土司土目他省安置并搜勦黨逆之威遠新平諸裸冒瘴突入禽斬千計而我將士亦患瘴死二百餘又進剿瀾滄江內孟養茶山土夷卽明王驥兵十二萬大舉再征諸蠻驚謂自古

漢兵所未至者也鄂爾泰先檄車里土兵截諸江外官兵各持斧鉗開路焚柵  
溝連破險隘直抵孟養據蠻坡通餉道其六茶山巢穴四十餘寨乃用降夷  
鄉導以賊攻賊于是深入數千里無險不搜惟江外歸車里土司江內地全改  
流升普洱爲府移沅江協副將駐之于思茅檄攬堵各設官戍兵以扼蒙緬老  
撾門戶于是廣南府土同知富州土知州各願增歲糧二三千石並捐建府州  
城垣孟連土司獻銀廠怒江野夷輸皮幣而老撾景邁二國皆來貢象緬甸震  
焉乾隆三十四年遷孟拱土司於關外緬甸事詳見緬甸傳

雲南府 羅次縣 煉象關土巡檢居煉象關大街清順治十六年土巡檢李  
文秀歸附仍授舊職傳至李東祚乾隆五十年改爲從九品土官世襲 祿豐  
縣 南平關土巡檢居土官村清順治十六年土巡檢李楚南歸附仍授舊職  
傳至李東來乾隆五十年改爲從九品土官世襲 大理府 趙州 定西嶺  
土巡檢居定西嶺清順治十六年土巡檢李齊斗歸附仍授舊職 紹興縣  
縣丞在縣城清順治十六年土知縣楊玉蓮子岳歸附仍授土知縣世職康熙

六年雲南縣改設流官知縣其知縣改縣丞世襲

雲南縣土主簿居士官村

離城十里清順治十六年土主簿張維歸附仍授世職

鄧川州

青索鼻土

巡檢在青索鼻清順治十六年土巡檢楊應鵬歸附仍授舊職傳至楊榮昌乾隆五十年改爲從九品土官世襲

浪穹縣浪穹縣土典史在縣城清順治十六年土典史王鳳州歸附仍授世職

蒲陀崆土巡檢在蒲陀崆距縣城十五

里清順治十六年土巡檢楊爭先歸附仍授世職

鳳羽鄉土巡檢在鳳羽鄉

距縣城三十里清順治十六年土巡檢尹德明歸附仍授世職

上江觜土巡檢在上江觜距縣一百二十里清順治十六年土巡檢楊康國歸附仍授世職

下江觜土巡檢在下江觜距縣九十里清順治十六年土巡檢何應福歸附

仍授世職

雲龍州 箭杆場土巡檢居箭杆場清順治十六年土巡檢字題

鳳歸附仍授世職舊屬鄧川州康熙二年改隸雲龍州

十二關長官司在府

東三百里清順治十六年長官司李恬森歸附仍授世職

老窩土千總居老

窩清順治十六年土知州段德壽歸附後裁乾隆十二年德壽孫維精勦稱戛

夷賊有功十七年授土千總世職道光元年永北軍務段克勳帶練擒賊給五品頂戴 六庫土千總居六庫其先段復健明土知州段保十七世孫滿乾隆十二年征稱夏夷賊有功十七年授土千總世職道光元年永北軍務段履仁帶練擒賊給五品頂戴 潛澗土把總居潛澗清順治十八年左文燦以堵禦功授土官長官司子停襲乾隆十二年文燦曾孫左世英隨征稱夏夷賊有功授土把總世襲 鄧川州土知州清順治十六年土知州阿尙夔歸附仍授世職曾孫查遠因縱賊殃民雍正四年改流安挾江西

臨安府 納樓茶甸長官司在府西南一百八十里清順治十六年長官司普率歸附仍授世職康熙四年率附王祿叛官兵討之乞降赦之以子向化襲納更山土巡檢 距府東南二百八十里清順治十六年土巡檢龍天正歸附仍授世職 厩容甸長官司在府西南一百四十里清順治十六年長官司孫大昌歸附仍授副長官世職 思陀鄉土舍在府西南二百五十里清順治十六年長官司李秉忠歸附仍授長官司副長官世職後絕改土舍康熙二十年

以李世元繼襲 溪處長官司副長官在府西南三百一十五里清順治十六年長官司恩忠歸附仍授副長官世職康熙四年附祿昌賢叛伏誅改土舍瓦渣鄉長官司在府西南二百四十里清順治十六年錢覺耀歸附仍授副長官世職康熙四年通王祿叛官兵擒斬之職除改土舍 左能寨長官司在府西南二百三十里清順治十六年吳應科歸附以非演志所載下臨安府查核稽其譜系蓋應科爲明蚌頗十一世孫因改土舍准襲 落恐甸長官司在府西南二百里清順治十六年明授副長官司陳玉歸附因號紙無存給便委土舍仍准世襲 阿邦鄉土舍在府東南二百一十里明授土守備清順治十六年土守備陶順祖歸附守職如故旋議土司不宜加武職改土舍 慢車鄉土舍在府西南一百四十里清順治間元江土夷亂漫車土目刀岡隨官軍協勦授土舍世職 稿吾卡土把總在府東南二百八十里清雍正間納更土目龍在渭隨征元普逆夷有功給土把總職銜嘉慶二十二年江外夷匪滋事龍定國父子陣亡奏准世襲土把總 十五猛縱橫四百餘里明初爲沐氏勳莊清

順治十七年吳三桂請並雲南荒田給與藩下壯丁耕種康熙七年奉旨圈撥  
叛後變價歸建水徵收猛各設一掌寨督辦錢糧管有 猛喇 猛丁 猛梭

猛賴 猛蚌 芙桶壩 五畝 五邦 者米 猛弄 馬龍 瓦遮 斗

嚴 阿土 水塘十五寨

教化三部長官司副長官清順治十六年副長官

龍昇歸附仍以張長壽爲名許之授世職康熙四年附王祿叛誅之以其地爲

開化府設流官 王弄山長官司副長官清順治十六年副長官王朔歸附授

世職康熙四年朔與祿昌賢叛官兵討之朔自焚死以其地屬開化府

阿迷州土知州舊有土目李阿側清康熙四年從討王朔有功授土知州世職傳至

李純濫派橫征爲羣夷所控雍正四年籍其產安置江西改流 畲州土知州

清順治十六年祿昌賢歸附仍授世職十七年降州同明年以舉首梅道人等

謀逆復原職康熙四年以叛伏誅 畲州土知州判清康熙十九年演有李者祿

歸附准世襲州判後絕停襲 嶧峨縣土知縣清順治十六年祿益歸附仍授

世職康熙四年與祿昌賢等叛改流 嶧峨縣土主簿清順治十六年王揚祖

歸附仍授世職康熙四年興祿昌賢等叛伏誅職除 蒙自縣土縣丞土知縣  
陸氏被黜其土舍南州祿重據土官村溺於酒色不能馭下其目把李輔舜等  
叛歸沙源源以兵乘之遂破有土官村沙定洲踞會城令李輔舜子曰芳繼據  
蒙自定洲敗日芳遂家於蒙清康熙四年曰芳弟曰森子世藩世屏附甯州祿  
昌賢叛總兵閻鎮破之世藩遁追斬之世屏出降免死充大理軍後吳三桂反  
給世屏爲總兵劄大師復演世屏持劄歸附授蒙自縣土縣丞職不准世襲

楚雄府 楚雄縣土縣丞清順治十六年土縣丞楊春盛歸附仍授舊職乾隆  
五十年改爲正八品土官世襲 鎮南州土州同居本城清順治十六年土州  
同段光贊歸附仍授世職 鎮南州土州判居鎮南州城東北清順治十六年  
土州判陳昌虞歸附仍授世職 阿雄關土巡檢居鎮南州屬清順治十六年  
土巡檢者光祖歸附仍授世職 鎮南關土巡檢清順治十六年土巡檢楊繼  
祖歸附仍授舊職傳至楊文輝乾隆五十年改爲從九品土官世襲 姚州土  
州同居姚州西界彌興官莊清順治十六年土州同高顯錫歸附仍授舊職傳

至高配至乾隆五十年改爲從六品土官世襲 廣通縣 回磴關土巡檢居  
回磴關清順治十六年土巡檢楊忠蘿歸附仍授舊職傳至楊怡乾隆五十年  
改爲從九品土官世襲 沙矣舊土巡檢清順治十六年土巡檢蘇鑑歸附仍  
授舊職傳至蘇敬乾隆五十年改爲從九品土官世襲 定遠縣土主簿居本  
城清順治十六年土主簿李世卿歸附仍授舊職傳至李毓英乾隆五十年改  
爲正九品土官世襲 姚安府土同知清順治十六年土同知高奇映歸附仍  
授世職傳至李厚德雍正三年以不法革職安置江南

澂江府 新興州土州判居州南研和邑清康熙十九年復演土人王鳳授僞  
遊擊迎至廣西路投誠隨征石門坎馬別河黃草壩皆有功授土州判世職  
河陽縣安插土官清順治初土官刀韜歸附止給劄仍准世襲沿至刀廷俊裁  
革 新興州 鐵鎗關土巡檢清順治十六年土巡檢王先榮歸附授世職康  
熙四年同王耀祖叛削除

廣南府 廣南府土同知清順治十六年僨鵬歸附授同知世職傳至僨毓榮

乾隆三十一年從征普洱緬甸三十七年頒給土同知關防子世昌嘉慶二年從征貴州狹苗加銜一等賞戴花翎世襲富州土知州在府東二百六十五里清順治十六年土知州沈崑瑞歸附仍授世職康熙九年頒給州印後以罪黜傳至沈肇乾雍正八年肇乾復以罪黜

順甯府 雲州 大猛麻土巡檢清順治十六年土巡檢俸新命歸附仍授世職 緬甯廳 猛猛土巡檢明末奔竄失其印信號紙未能請製傳子紫芝清康熙五十四年歸附貢象仍授世職頒給鈐記乾隆二十九年改屬順甯府直隸耿馬宣撫司在永昌府南七百二十里隸孟定府清平演罕悶括歸附仍授宣撫司承襲乾隆二十九年改隸順甯府世襲 孟連宣撫司在順甯府邊外南境舊隸於永昌府清康熙四十八年刁派鼎貢象歸附授宣撫司世職派鼎死子刁派春年幼叔祖刁派烈撫孤有刁派猷謀殺派烈奪印爭職安插省城另給宣撫司鈐記便委傳至刁派新因地處極邊界連外域定爲經制宣撫司頒給印信號紙乾隆二十九年改隸順甯府 猛緬長官司清乾隆十一年

歸流改其地爲編審設流官通判駐其地

曲靖府平彝縣土縣丞居平彝縣竹園村清順治初土縣丞龍閣歸附仍舊

世襲

清史稿

土司傳四

貴州

貴州古羅施鬼國漢夜郎國並牂牁武陵郡地唐亦置播州思州元置八番順元諸軍民宣慰使司以羅靡之明窟翠奢香最爲効忠後則播州之楊永甯之奢水西之安爲西南鉅患楊氏滅爲遵義平越二府奢氏滅爲永甯縣清初黔省安氏猶強經孫可望之亂未顚正朝苗蠻蠢動諸擅兵相攻者蹂躪地方無有甯日順治十五年經略洪承疇定貴州十七年四月馬乃營土目龍吉兆等反雲貴既平各土司俱奉貢賦遵約束龍吉兆收養亡命私造軍器奸民文元胡世昌況榮還等俱黨附之遂結李定國爲聲援糾合鼠場營龍吉佐樓下營龍吉祥砍血盟掠廣西泗城州之土寨安南衛之阿計屯水橋麻衣沖下三阿白屯等處所過劫戮總督趙廷臣巡撫下三元招諭不服乃合疏請討十一月十九日廷臣破果母寨殺賊數千擒吉兆子吉佐妻殲逆黨文元胡世昌於陣

遂乘勝破咺唃寨吉兆閉寨拒守官兵圍之十八年二月廷臣令官兵人持一炬縱火焚其寨破之吉兆及逆黨況榮還等皆伏誅馬乃平九月劉鼎叛康熙二年正月丹平土官莫之廉以隱匿劉鼎伏誅金筑土官王應兆與鼎通總督楊茂勦討平之鼎敗逃水西七月被獲伏誅三年正月逆賊常金印等謀反伏誅金印上元人自稱常遇春之後從粵走黔與水西安坤皮熊等同謀反金印稱蕩虜大將軍湘平伯僞造印敕旗纛衆黨陳鳳麟高岑吉士英米應貴等煽誘諸土司爲亂爲同黨陳大山首俱就擒二月水西宣慰司安坤叛初經略洪承疇至沅師不能進承疇招安坤許以如元阿盡明寵翠故事坤大喜繳印歸誣引大兵由小路進入貴陽演黔底定敘坤功許世襲兼賜袍帽靴服采幣明總兵皮熊合謀奪奪思動蹤迹頗露總督楊葆勦曰水西地方沃野千里地廣兵強在滇爲咽喉在蜀爲門戶若於黔則腹心之蠹毒也失今不討養翫必大乃請勑命總管吳三桂督雲貴各鎮兵分東西兩路討之三月三桂統十鎮兵由畢節七星關入令總兵劉之復駐兵大方遏其衝逸令提督李本深統貴州

四鎮兵由大方之六歸河會勦屯糧於三岔河而檄黔省兵書誤書六歸爲陸廣於是本深兵及黔蜀二省所運之糧盡屯陸廣三路氣息隔絕不相通三桂受困兩月食將絕外援不至永順總兵劉安邦戰死受圍益迫適水西土目安如鼎遣人偵黔營虛實爲本深所獲始知三桂被圍已久乃使爲引導整兵入援副將白世彥手斬驍賊以徇於陣賊遂敗走總兵李如碧亦率精兵入重圍運糧接濟兵合爲一敗賊阿作峒復敗之得初峒九月又敗之紅崖峒坤率其妻祿氏逃於木弄筭復逃至烏蒙烏蒙不納坤遣漢把曾經賣印投降不許生擒坤於大方之杓筭並擒皮熊安重聖等熊不食十五日而死坤與重聖俱伏誅四年十二月郎岱土司隴安藩反命吳三桂發兵討之藩乃安坤親黨坤滅後招納坤餘孽隴勝等及安重聖妻隴氏殺安順府經歷袁績攻破關嶺直犯永甯隴勝等亦攻犯大定威甯殺畢節經歷秦文五年六月隴安藩伏誅郎岱平二十四年七月黎平賊何新瑞反新瑞本李姓初在靖州爲僧後至平茶所犯罪逃至新化乃冒姓何稱故明總督何騰蛟子煽惑苗民作亂黎平官兵擊

敗之二十五年二月新瑞伏誅徒土司韋有能等以其地入永從縣廣順州之長寨寨據各苗之腹前總督高其倬誘禽阿近議設營汛以控前後左右各寨雍正四年夏官兵焚其七寨未獲首逆副將劉業浚卽退營宗角且言三不可勦鄂爾泰駁以三不可不勦令總兵石禮哈搜討盡殲首從勒繳軍器建參將營分扼險要易服雜髮立保甲稽田戶于是乘威招服黔邊東西南三面廣順定番鎮甯永甯永豐安順生苗千三百九十八寨地方千餘里直抵粵界鎮遠清水江者沅水上游也下通湖廣上達黔粵而生苗據其上游曰九股河曰大小丹江沿岸數百里皆其巢窟古州者有裏有外裏古州距黎平府百八十里卽元置古州八萬洞軍民長官司所也地周八十餘里戶四五千口二萬餘都江溶江界其左右合爲古州江由此東西南北各三百里爲外古州約周千二三百里戶數千口十餘萬可敵兩三州縣環黔界萬山間而諸葛營踞其中倚山面川尤據形勢張廣泗守黎平輕騎深入周勦倡議置鎮諸葛營扼吭控制而其外戶爲都勦八寨內戶爲丹江清江乃于六

年夏先創八寨以通運道分兵進攻大小丹江出奇設伏盡焚負固之雞講五  
寨苗赴軍乞降飲血刻木埋石爲誓九年乘勝沿九股河下抵清水江時九股  
苗爲漢奸曾文登所煽言改流升科額將歲倍且江深岸險兵不能入及官軍  
至以農忙佯乞撫廣泗亦佯許之而潛舟宵濟扼其援竄蘇大有張禹謨突擣  
其巢又敗其夜劫營之賊墮濠拔櫓冒險深入苗四山號泣縛曾文登以獻于  
是清水江丹江皆奏設重營以控江路令兵役雇苗船百餘赴湖南省鹽布糧  
貨往返不絕民夷大忭估客雲集古州自昔奧樸自清初吳三桂僞將馬寶兵  
由楚竄滇取道古州諸苗遮獲其大礮重甲火藥山是日強而上下江尤甚上  
江爲來牛定旦下江爲溶峒當廣泗初至苗皆謂官兵不能久依違從撫及聞  
諸葛營建城堡遂羣起拒命八年秋廣泗督官兵夜半集苗船爲浮橋攻其不  
備進攻上江之來牛定旦禽斬四千獲礮械無算其下江溶洞之深遠大籌危  
峯障日皆伐山通道窮搜窟宅乃偏勘上下江溶灘險置斥堠通餉運其都江  
清水江之間有丹江橫貫惟隔陸路五十餘里爲之開通于是楚粵商艘直抵

鎮城外古州大定初世宗以廣泗招撫古州不煩兵力由知府逾年擢至巡撫遣侍讀春山牧可登至軍察之並頒犒師銀十萬兩鄂爾泰約廣西巡撫金鉅赴貴陽會籌邊事乃議黎平府設古州鎮而都勻府之八寨丹江鎮遠府之清水江設協管增兵數千爲古州外衛後復改清江協爲鎮與古州分轄世宗嘉鄂爾泰之勞錫封襲勤伯世襲罔替九年冬入爲武英殿大學士以高其倬代之以元展成巡撫貴州十二年哈元生進新闢苗疆圖志以尹繼善督雲貴而復有黔苗之變初苗疆闢地二三千里幾當貴州全省之半增管設汛凡腹內郡縣防兵大半移戍新疆又鄂爾泰用兵招撫止及古州清江未及台拱之九股苗有司輒稱台拱願內屬巡撫元展成易視苗疆遽于十年設營駐兵時秋稼未穫苗佯聽版築而刈穫甫畢即傳集上下九股數百寨叛圍大營並扼排略大關之險以阻餉道營中樵汲皆斷死守彌月援至始解提督哈元生入覲回鑑十一年春進軍台拱攻賊于番招之蓮花壘破之設戍其上十三年春苗疆更以徵糧不善遠近各寨蠭起偏傳木刻總兵韓勳破賊古州之王家嶺賊

復聚集清江台拱間番招屯復圍於賊巡撫元展成與哈元生不合倉卒調兵  
五千盡付副將宋朝相領之赴援半途亦困于賊賊探知內地防兵半戍苗疆  
各城守備空虛于是乘間大入陷凱里陷重安江驛陷黃平州陷岩門司陷清  
平縣餘慶縣焚掠及鎮遠思州而鎮遠府治無城人心洶懼台拱清江各營汛  
亦多爲賊誘陷逆氛四起省城戒嚴四月哈元生乃以親兵三百自出督師扼  
清平之楊老驛六月詔發滇蜀楚粵六省兵會剿特授哈元生揚威將軍湖廣  
提督董芳副之七月又命刑部尙書張照爲撫定苗疆大臣副都御史德希壽  
副之時尹繼善已遣雲南兵二千星夜赴援湖粵兵亦繼至生苗見各路援兵  
漸集各據掠回巢棄城弗守元生進軍凱里檄各鎮克復諸城又合攻重安江  
賊以開演師之路生苗既回巢穴則糾衆攻圍新疆各營汛于是台拱清江丹  
上湖廣兵先後集鎮遠界元生遣古州鎮韓助攻燬首逆各巢又分兵三路一  
由蘆貢以通台拱一由八弓援柳羅以通清江一走都勻援八寨而八寨協副

將馮茂復誘殺降苗六百餘級頭目三十餘冒功于是苗逃歸者播告徒黨詛  
盟益堅多手刃妻女而後出抗官兵陷青溪縣城而清江之柳羅都勻之丹江  
自春夏被圍半載糧盡援絕九閏月圍始解張照奉命赴苗疆且令察其利害  
照至沅州鎮遠則密奏改流非策致書諸將首倡棄地之議且袒董芳專主招  
撫與哈元生齟齬楚粵官兵皆隸芳麾下旋議分地分兵施秉以上用演黔兵  
隸元生施秉以下用楚粵兵隸董芳于是已進之兵紛紜改調互換而哈元生  
董芳遂欲將村寨道路盡畫上下界文移辨論致大兵雲集數月曠久無功賊  
乘間復出焚掠清平黃平施秉間紛紛告警當是時中外畏事者爭咎前此苗  
疆之不當闢目前苗疆之不可守全局幾大變八月召張照德希壽還十月授  
張廣泗七省經略哈元生以下咸受節制旋逮張照董芳哈元生及元辰成治  
罪廣泗奏言張照等所以無功者由分戰兵守兵爲二而合生苗熟苗爲一也  
兵本少而復分之使單賊本衆而復敵之使合且各路首逆自古州敗退咸聚  
於上下九股清江丹江高坡諸處皆以一大寨領數十百寨雄長號召聲勢犄

角我兵攻一方則各方援應彼衆我寡故賊日張兵日挫爲今日計若不直搗巢穴殲渠魁潰心腹斷不能渙其黨羽惟有暫撫熟苗責令繳凶獻械以分生苗之勢而大兵三路同搗生苗逆巢使彼此不能相救則我力專而彼力分以整擊散一舉可滅而後再懲從逆各熟苗以期一勞永逸廣泗乃調全黔兵集鎮遠以通雲貴往來大路以精兵四千餘攻上九股四千餘攻下九股而自統五千餘攻清江下流各寨是冬刻期並舉乾隆元年春復增兵分八路排勦抗拒逆寨遺孽盡竄牛皮大箐圓苗巢之中盤亘數百里北丹江南古州西都匀八寨東清江台拱危巖切雲老樹蔽天霧雨冥冥蛇虺所國雖近地苗蠻亦無能悉其幽邃故首逆諸苗咸藪伏其中恃官兵所萬不能至俟軍退復圖出沒廣泗檄諸軍分扼箐口以坐困之又布奇兵箐外以截逋逃如陸獸網魚重重合圍以漸進逼自四月至五月將士犯瘴痼冒榛莽靡與不搜靡險不剔並許其黨自相斬捕除罪由是怒魁罔漏俘馘萬計其飢餓顛隕死崖谷間者不可計數六月復乘兵威搜勦附逆熟苗分首惡曾從三等涉秋徂暑先

後歸蕩其燬除千有二百二十四寨赦免三百八十有八寨陣斬萬有七千六百有奇俘二萬五千有奇獲銃礮四萬六千五百有奇刀矛弓弩標甲十有四萬八千有奇宥其半俘收其叛產設九衛屯田養兵戍之詔盡豁新疆錢糧永不徵收以杜官胥之擾其苗訟仍從苗俗處分不拘律例以廣泗總督貴州兼管巡撫事世襲輕車都尉自是南夷遂不反乾隆五年夏湖南靖州武岡徭城步橫嶺苗與廣西猺同叛總督班第使鎮筭總兵劉策名以兵五千進勦以五千應援詔廣泗復以欽差大臣節制軍務先後斬馘五千餘俘五千餘于十二月班師鄂爾泰卒于乾隆十年以開闢西南夷功配享太廟後乾隆六十年松桃苗變及咸豐二年教匪變煽及苗疆同治十二年方定然非土司肇事故不

錄

貴陽府 中曹長官司在府南十五里明洪武三年以謝石寶爲長官司傳至謝正倫清順治十五年歸附仍准世襲副司劉氏清雍正七年於士權疊害案內改流官 養龍長官司在府北二百二十里明洪武五年以蔡普爲長官

司傳至蔡瑛清康熙八年歸附准世襲 白納長官司在府南七十里元爲白納縣尋改明初以周可敬爲長官司傳至周爾齡清順治十五年歸附仍准世襲 副官趙啟賢同 虎墜長官司在府東六十里明洪武三年以宋璫爲長官司傳至宋繼榮清順治十六年歸附仍准世襲 定番州 程番長官司唐末程元龍平定溪洞世守程番元改給安撫司印明洪武四年改授程番長官司傳至程民新清順治十五年歸附仍准世襲 上馬橋長官司在州北二十里自唐末方定遠開疆明洪武四年改授長官司傳至方維新清順治十五年歸附仍准世襲 小程番長官司在州北五里始自唐末程鶴明洪武四年改授小程番長官司傳至程登雲清順治十五年歸附仍准世襲 盧番長官司在州北五里始自唐末盧君聘元置羅番靜海軍安撫司明洪武四年改授盧番長官司傳至盧大用清順治十五年歸附仍准世襲 方番長官司在州南十里始自唐末方德明洪武四年改授方番長官司傳至方正綱清順治十五年歸附仍准世襲 章番長官司在州南五里唐章四海守此土明洪武四年改

授韋番長官司傳至韋璋清順治十五年歸附仍准世襲 臥龍番長官司在州南十五里唐時龍德壽據此明洪武四年改授臥龍番長官司傳至龍國瑞清順治十五年歸附仍准世襲 小龍番長官司在州東南二十里唐時龍方靈據此明洪武四年改授小龍番長官司傳至龍象賢清順治十五年歸附仍准世襲 金石番長官司在州東二十五里唐時石寶據此明洪武四年改授金石番長官司傳至龍如玉清順治十五年歸附仍准世襲 羅番長官司在州南三十里始自唐時龍應召明洪武四年改授羅番長官司傳至龍從雲清順治十五年歸附仍准世襲 大龍番長官司在州東三十里始於唐時龍昌宗明洪武四年改授大龍番長官司傳至龍登雲清順治十五年歸附仍准世襲 木瓜長官司在州西七十里始於元時石期璽明洪武八年改授木瓜長官司傳至石玉林清順治十五年歸附仍准世襲 副官始於元時顧德明洪武八年改授木瓜副長官傳至顧大維清順治十五年歸附仍准世襲 麻嚮長官司在州西七十五里明洪武十年以得玉思爲麻嚮長官司傳至得志清

順治十五年歸附仍准世襲 開州 乖西長官司在州東六十里始於唐時  
楊立信明洪武四年改授乖西長官司傳至楊瑜清順治十五年歸附仍准世  
襲 副官始於唐時劉起昌傳至劉國柱清順治十五年歸附仍准世  
里縣 大谷龍長官司在縣西北始於元時宋國明洪武十三年授大谷龍長  
官司傳至宋之尹清順治十五年歸附仍准世襲 小谷龍長官司在縣東北  
元時宋幕授小谷龍安撫司明嘉靖十一年改授長官司傳至宋景運清順治  
十五年歸附仍准世襲 貴定縣 平伐長官司在縣南唐時李保郎以征南  
功授安撫司明洪武十五年改授平伐長官司傳至李世慶清順治十五年歸  
附仍准世襲 大平伐長官司在縣南三十里後漢昭烈時宋隆豆征南有功  
世守茲土明洪武四年改授宋臣爲大平伐長官司傳至宋世昌清順治十五  
年歸附仍准世襲 小平伐長官司在縣南三十里唐時宋忠宣以功授招討  
司明洪武四年改授小平伐長官司傳至宋天培清順治十五年歸附仍准世  
襲 新添長官司在縣東北唐時宋景陽據此明洪武四年改授新添長官司

屬新添衛傳至宋鴻基清順治十五年歸附仍准世襲康熙十年改隸貴定縣  
羊場長官司在縣東北明洪武三十二年以郭九齡爲羊場長官司傳至郭  
天章清順治十五年歸附仍准世襲 修文縣 底寨長官司唐時蔡興隆調  
征黑羊授護國將軍留守茲土明洪武四年改授底寨長官司傳至蔡啓程清  
順治十五年歸附仍准世襲 副長官始自唐時梅天祿明洪武四年准世襲  
傳至梅朝聘清順治十五年歸附仍製舊職

安順府 普定縣 西堡副長官明洪武十二年溫伯壽以平苗功授西堡副  
長官傳至溫捷桂清順治十五年歸附仍准世襲職 鎮甯州 康佐副長官司  
永樂六年于成以功授康佐副長官傳至于應鵬清順治十五年歸附仍准世  
職

永甯州 頂營長官司在州南一百里明洪武十六年羅錄以功授頂營  
長官司傳至羅洪勳清順治十五年歸附仍准世襲職 募役長官司在州西一  
百七十里明洪武十九年阿辭以功授募役長官司傳至阿更永樂元年賜姓  
禮更名山傳至阿廷試清順治十五年歸附仍准世襲職 沙營長官司明洪武

十四年沙先以功授沙營長官司傳至沙裕先清順治十五年歸附仍准襲職  
盤江土巡檢明洪武八年李當以功授盤江巡檢傳至李桂芳清順治十五  
年歸附仍准襲職 平越州 楊義長官司在州東八十里始於唐時金密定  
明洪武二十一年改授楊義長官司傳至金榜清順治十五年歸附仍准襲職  
黃平州 岩門長官司在州東北明成化六年何清以征苗有功授凱里安  
撫司左副長官萬歷四十二年改屬黃平州傳至何仕洪清順治十五年歸附  
改授嚴門長官司世襲 重安司土吏目在州西三十里明洪武八年以張佛  
寶馮鐸爲正副長官司萬歷二十七年改土吏目傳至張威鎮清順治十五年  
歸附仍准襲職 瑶安縣 草塘司土縣丞明洪武二十五年以宋邦佐爲草  
塘安撫司傳至世甯萬歷二十九年改授土縣丞宋蓮鴻清順治十五年歸附  
仍准襲職 豐水司土縣丞在縣西北明洪武十七年以猶恭爲安撫司萬歷  
中改授土縣丞傳至猶登第清順治十五年歸附仍准襲職 餘慶縣 土縣  
丞唐毛巴有功授餘慶土知府明洪武二年改長官司萬歷二十九年改爲土

縣丞傳至毛鵬程清順治十五年歸附准襲前職  
土主簿元楊正寶有功授  
白泥司副長官明萬曆二十四年改爲土主簿傳至楊環清順治十五年歸附  
仍襲前職

都勻府 都勻長官司在府南七里明洪武十六年以吳賴爲都勻長官司傳  
至吳玉清順治十五年歸附准襲前職 副長官王應祖同 邦水長官司在  
府西二十里明永樂六年以吳珊爲邦水長官司傳至吳昌祚清順治十五年  
歸附仍准襲職 麻哈州 樂平長官司在州北四十里明洪武年間授朱仁  
德爲樂平司正長官傳至宋治政清順治十五年歸附仍襲前職 平定長官  
司在州北一百里明洪武十年授吳忠平定長官司傳至吳士爵清順治十五  
年歸附仍襲前職 獨山州 土同知明洪武十六年以蒙聞爲九姓獨山長  
官司以境有九姓蠻爲名弘治八年改土同知傳至蒙一龍清順治十五年歸  
附仍襲前職 豐甯上長官司在州南一百二十里明洪武二十三年以楊萬  
八爲豐甯上長官司傳至楊懋功清順治十五年歸附仍准世襲  
豐甯下長

官司在州東南二百四十里明洪武二十三年以楊萬全爲豐甯下長官司傳至楊威遠清順治十五年歸附仍准世襲 煙土長官司在州東一百十里明洪武二十四年以張鈞爲燭土長官司傳至張威遠清順治十五年歸附仍准世襲 凱里司楊氏清康熙四十五年以土曾大惡案內改土歸流入清平縣鎮遠府 土同知宋時何永壽以功授高丹峒正長官司明洪武三年授何濟承爲鎮遠州土同知傳至何大昆清順治十五年歸附仍准世襲 土通判宋時楊從禮明正統四年改授楊瑄鎮遠州土通判傳至楊龍圖清順治十五年歸附仍准世襲 土推官宋時楊載華明正統十一年改授楊忠鎮遠州土推官傳至楊秀璋清順治十五年歸附仍准世襲 偏橋長官司在府城西六十里宋時安崇誠明洪武三年改授安德可爲偏橋長官司傳至安顯祖清順治十五年歸附仍准世襲 左副長官楊通聖 右副長官楊毓秀均同 鎮遠縣印水長官司在縣東八十里明洪武元年授楊昌盛爲印水長官司傳至楊勝梅清順治十六年歸附仍准世襲 副官袁洪遠同

思南府 隨府辦事長官司宋時田二鳳明洪武五年改思南宣慰司永樂十  
一年改授隨府辦事長官司傳至田仁溥清順治十七年歸附仍准世襲 蟒  
夷長官司在府城西宋時安仲用明洪武二十九年改授蠻夷長官司傳至安  
于磐清順治十七年歸附仍准世襲 副長官李際明清順治十七年歸附仍  
准世襲雍正八年李慧緣事革職 沿河祐溪長官司在府北二百十里元時  
張仲武以功授長官司傳至張承祿清順治十五年歸附仍准世襲 副長官  
冉鼎臣同 朗溪長官司在府東八十里元時田穀明洪武元年授朗溪長官  
司傳至田養民清順治十五年歸附仍准世襲 副長官任進道同 安化縣  
土縣丞元時張坤元明萬曆三十三年改授土縣丞傳至張試清順治十八  
年歸附仍准世襲 土巡檢明洪武七年以陸公閱爲土巡檢傳至陸陽春清  
順治十五年歸附仍准世襲土百戶久改流 印江縣 土縣丞元時張恢留  
此明嘉靖七年改授土縣丞傳至張應璧清順治十五年歸附仍准世襲 婺  
川縣土百戶改流

石阡府 石阡正長官司清雍正八年改土歸流 副長官在府城西北元時  
楊九龍以功授石阡副長官明洪武五年仍之傳至楊敬勝清順治十五年歸  
附亦准世襲 苗民長官司在府城西北明洪武十年立清康熙四十三年改  
土歸流

思州府 都坪長官司在府城內元何清授定雲路總管明洪武七年改授都  
坪長官司傳至何學政清順治十五年歸附仍准世襲 副長官周如同 都  
素長官司在府西九十里明永樂十一年置長官司於馬口寨傳至何起圖清  
順治十五年歸附仍准世襲 副長官周之龍同 黃道長官司在府東北一  
百二十里明洪武五年以黃文聽爲長官司傳至黃金印清順治十五年歸附  
仍准世襲 副長官黃士元同 施溪長官司在府北一百四十里明洪武五  
年以劉貴爲施溪長官司傳至劉師光清順治十五年歸附仍准世襲。

銅仁府 省溪長官司在府西一百里明洪武五年以楊政爲省溪長官司傳  
至楊秀銘清順治十五年歸附仍准世襲 副長官戴子美同 提溪長官司

在府西一百四十里明洪武五年以楊秀纂爲提溪長官司傳至楊通正清順  
治十五年歸附仍准世襲 副長官張體泰同 烏蘿長官司在府西二百里  
始自唐時楊通孫明洪武五年改授烏蘿長官司傳至楊洪基清順治十五年  
歸附仍准世襲 副長官冉天奇同 平頭長官司在府北一百二十里明洪

武二十九年改授楊正德爲平頭長官司傳至楊昌續清順治十五年歸附仍  
准世襲 副長官冉茂功同

黎平府 潭溪長官司在府西南三十里明洪武四年以石平禾爲潭溪長官  
司傳至石玉柱清順治十五年歸附仍准世襲 副長官石巖同 八舟長官  
司在府北八十里漢吳昌祚以功授八舟長官司明洪武四年仍令吳氏世襲  
傳至吳遇主清順治十五年歸附亦准世襲職 龍里長官司在府西北九十里  
明洪武四年以楊光福爲龍里長官司傳至楊勝梯清順治十五年歸附仍准  
世襲職 中林長官司在府西北一百里明洪武五年以楊盛賢爲中林長官司  
傳至楊應詔清順治十五年歸附仍准世襲職 古州長官司在府西北八十里

元置古州八萬洞長官司屬思州宣撫司明洪武五年以楊秀茂爲古州長官司永樂十年屬府傳至楊雲龍清順治十五年歸附仍准襲職 新化長官司在府北六十里元時歐陽明萬以功授軍民長官司明洪武五年仍襲前職傳至歐陽瑾清順治十五年歸附仍准世襲 歐陽長官司在府北九十里明洪武四年以陽都統爲歐陽長官司傳至陽連洪清順治十五年歸附仍准世襲副長官吳登科同 亮寨長官司在府北一百里元置明洪武四年以龍政忠爲本司長官司傳至龍文炳清順治十五年歸附仍准襲職 湖耳長官司在府東北一百二十里明洪武四年以楊再祿爲本司長官司傳至楊通乾清順治十五年歸附仍准襲職 副長官楊大勳同 洪州長官司在府東一百五十里元置洪州泊里等洞軍民長官司明洪武五年以李氏爲洪州長官司傳至李煦清順治十五年歸附仍准襲職 副長官林起鵬同 分管三郎司在府南三十里楊世勤襲清康熙二十三年改土歸流 赤谿浦洞司在府東北二百六十里楊鳴鶴襲清康熙二十三年改土歸流

水西宣慰司康熙三年吳三桂滅安坤改設四府二十一年十二月諭大學士曰吳三桂未叛時征討水西曾滅土司安坤其妻祿氏奔於烏蒙後生子安世宗朕觀平越黔西威甯大定四府原屬苗蠻以土司專轄方爲至便大兵進取雲南祿氏曾前接濟著有勤勞仍復設宣慰使令世宗承襲四十年總督王繼文以土司安世宗爲吏民之害仍請停襲地方歸流官管轄

清史稿

土司傳五

廣西

廣西爲西南邊地秦桂林郡漢始安唐桂管宋靜江府元靜江路明建廣西省  
猺多于漢人十倍盤萬山之中踞三江之險明時因元之舊多設土司以資  
鎮壓叛服不常韓雍之定藤峽王守仁之撫田州沈希儀愈大猷之戰功殷正  
茂翁萬達之成績僅得勘定清朝廣西莠民四起土司獨安靖無事鄂爾泰經  
略三省革泗城土府岑映宸職割江北地隸貴州雍正六年八月首討思陵州  
之八達寨扼其餉道屯兵二三里外量大礮所能及漸轟進逼賊窘急斬土目  
顏光色兄弟以獻尙閉寨不出遂爲官兵所燬八年復檄討思明土府所屬之  
鄧橫寨三路進攻一鼓而克於是遠近土目爭繳軍器二萬餘巡邊所至迎扈  
千里三省邊防皆定

慶遠府秦象郡漢交趾日南二郡界唐置粵州天寶初改龍水部乾元中更宜

州宋升慶遠軍節度咸淳初改慶遠府元爲慶遠路明仍改慶遠府清因之  
東蘭土州在府西南宋置蘭州以韋氏世襲元改東蘭州明因之傳至韋光祚  
清順治初歸附予舊職雍正七年改設流官知州忻城土縣在府南宋慶脉  
間隸宜州元以莫保爲八仙屯千戶明洪武初設流官後仍任土官以莫氏世  
襲傳至莫猛清順治九年歸附仍准襲職南丹土州在府西北宋開寶初土  
官莫洪晉內附元豐三年置州管轄諸蠻明洪武初莫金納土金叛被誅以金  
子祿襲傳至莫自乾清順治九年歸附仍准襲職那地土州在府西宋熙甯  
初土人羅世念來降崇甯間遂置地那二州以羅氏世知地州元仍之明洪武  
元年土官羅黃貌附詔并那地爲一州予印授黃貌世襲以流官吏目佐之傳  
至羅德壽清順治九年歸附仍准世襲永順正土司在府西南明設土司弘  
治間以鄧文茂爲之傳至鄧世廣清順治九年歸附仍准世襲副土司彭希  
聖同永定土司在府西南明成化十二年設土司以韋萬秀爲之傳至韋盛  
春清順治九年歸附仍准世襲

思恩府古百粵漢屬交趾唐天寶元年改爲橫山郡元置田州路軍民總管府明正統五年升爲思恩府弘治末改流官清因之上林土縣在府西南二百七里宋置隸橫山寨元屬田州明洪武二年以黃嵩爲土知縣仍屬田州嘉靖初改隸思恩軍民府佐以流官典史傳至黃國安清初歸附仍襲舊職白山土司在府東北宋皇祐間隨狄青有功世襲土舍明嘉靖七年以王受明爲白山土巡檢傳至王如綸清初歸附仍襲舊職興隆土司在府東北八十里明嘉靖七年以韋貴爲土巡檢傳至韋萬安清順治十七年歸附仍准世襲那馬土司在府西北九十里明嘉靖七年以黃理爲土巡檢傳至黃天倫清初歸附仍准世襲定羅土司在府西一百四十里明嘉靖七年以徐伍爲土巡檢傳至徐朝佐清初歸附仍准世襲舊城土司在府西北一百二十里明嘉靖七年以黃集爲土巡檢傳至黃世勳清初歸附仍准世襲下旺土司在府西二百十里明嘉靖七年以韋良保爲土巡檢傳至韋際絃清初歸附仍准世襲安定土司在府北明嘉靖七年以潘良爲土巡檢傳至潘應璧清初歸附仍

准世襲 都陽土司在府西北六百里明嘉靖七年以黃留爲土巡檢傳至黃宏會清初歸附仍准世襲 古零土司在府東明嘉靖七年以覃益爲土巡檢子文顯征大藤峽有功加千總傳至覃恩錫清初歸附仍准世襲 田州土州在府西四百五十里唐天寶元年橫山郡乾元元年改爲田州宋屬橫山寨元置田州路軍民總管府明改田州府尋復爲州嘉靖九年以岑芝主田州傳至岑漢貴清順治初歸附仍准世襲近改百色直隸廳置流官 歸順州舊爲峒元隸鎮安路明因之弘治年間升爲州以岑瑛爲知州世襲改隸思恩府傳至岑繼綱清順治初歸附仍予舊職雍正七年改隸鎮安府八年巡撫金鉗以上司岑佐不法狀題參革職改流

泗城府古百粵地宋置泗城州元屬田州路明隸思恩府洪武初以岑善忠爲知府世襲傳至岑繼祿清順治十五年歸附隨征滇黔有功改爲泗城軍民府繼祿死子齊岱襲齊岱傳子映宸雍正五年映宸以罪參革改設流官 下雷州元屬鎮安路明初降爲峒萬曆三十二年許應珪以軍功復職傳至許文明

清順治初歸附仍襲舊職 向武州宋置隸橫山寨元隸田州路明初以黃世威爲知州傳至黃嘉正清順治初歸附仍襲舊職 都康州宋置隸橫山寨元屬田州路明隸思恩府以馮斌爲知州傳至馮太乙清順治九年歸附仍襲舊職

南甯府唐邕州也元邕州路泰定中改南甯路明置南甯衛後改府清因之果化土州宋置元屬田州路明洪武二年授土官趙榮爲知州弘治中改隸南甯傳至趙國鼎清初率衆歸附仍襲舊職 歸德土州在府西其先黃氏宋征交趾有功建歸德州明洪武二年以黃隍城爲知州傳至黃道清初歸附仍襲世職 忠州土州在府西南一百九十里宋置明洪武二年以黃威慶爲土知州傳至黃光聖清順治初歸附仍予世職 邉隆峒在府西南二百四十里明洪武元年以黃威翌爲土官以失印廢爲峒降巡檢傳至黃元吉清初歸附仍予世職

太平府漢屬交趾唐爲羅摩州宋平嶺南置五寨一曰太平領州縣元置太平

路明洪武二年改爲太平府清因之 太平州在府西北明洪武二年以李以忠爲知州傳至李開錦清順治十六年歸附仍予世職 鎮遠州在府東北舊名古鹽宋置州元隸太平路明亦屬太平路明初以趙昂升爲知州傳至趙秉義清順治十六年歸附仍予世職 茗盈州在府北宋置元屬太平路明初以李鐵釘爲知州傳至李應芳清順治十六年歸附仍予世職 安平州舊名安山在府西北唐置波州宋設安平州元隸太平路明洪武初以李郭祐爲知州使守交趾各陞傳至李長亨清順治十六年歸附仍准世襲 萬承州在府東北舊名萬陽唐置萬承萬形二州宋省萬形隸太平塞元屬太平路明洪武初以許郭安爲知州傳至許嘉鎮清順治十六年歸附仍予世職 全茗州在府許家麟清順治十六年歸附仍予世職 結安州在府東北舊名營周宋置結安峒元改州屬太平路明洪武元年以張仕榮爲知州傳至張邦興清順治十六年歸附仍予世職 龍英州在府北舊名英山宋爲峒元改州屬太平路明

洪武二十二年以趙世賢爲知州給印傳至趙蔭昌爲族人繼祖所殺清順治  
十六年歸附誅繼祖蔭昌無子以邦顯子廷耀襲 信倫州在府東北舊名邦  
兜宋置安峒隸太平寨元改州屬太平路明洪武二年以馮萬傑爲知州傳至  
馮嘉猷清順治十六年歸附仍予世襲 都結州在府東北元屬太平路明洪  
武三年以農武高爲知州傳至農廷封清順治十六年歸附仍予世襲 上下  
凍州在府西宋置凍州元分凍州爲上凍下凍二州明隸太平府洪武元年以  
趙帖從爲知州傳至趙長亨清順治十六年歸附仍予世襲 恩城州在府西  
北唐置宋分上下恩城二州元屬太平路至正間并爲一明洪武元年以趙雄  
傑爲知州傳至趙貴炫清順治十六年歸附仍予世襲 羅陽土縣在府東舊  
名福利宋置隸遷隆寨元屬太平路明隸太平府明初以黃宣爲知縣傳至黃  
啟祥清順治十六年歸附仍予世襲 思陵州宋置州隸永平寨元屬思明路  
明初省入思明府後復建仍隸太平府洪武二十一年以韋延壽爲知州傳至  
韋懋選清順治十六年歸附仍予世襲 思明州唐置屬邕州宋隸太平寨元

改思明路明爲府洪武元年以黃忽都爲知府傳至黃戴乾清順治十六年歸附仍予舊職黃觀珠襲以安馬洞郎等五十村改流隸甯明降府爲州移治伯江哨雍正十年五十村目怨觀珠殺觀珠變人欲因以謀不靖太平知府屠嘉正新太協副將崔善元安定之觀珠以罪參革改流又思明州與思明府本兩地土官亦黃姓於康熙五十八年改流下石西州在府西二百十里宋閉鴻爲知州明初仍給世襲傳至閉承恩清初歸附仍襲舊職上石西州明崇禎間併入本府清雍正十二年改隸明江同知上龍司漢屬交趾唐置龍州宋隸邕州元大德中改爲萬戶府明初屬太平洪武八年改直隸州尋改隸太平以土官趙帖堅襲知州以流官吏目佐之其後事具明史傳至趙有涇爲庶兄有濤所殺涇子國梁憲父冤有濤逃入交趾清平廣西更名趙祿奇自交趾逃回歸附仍予舊職死傳子廷楠時國梁父冤既白應襲而廷楠拒之國梁復出奔適雲南煽動遂率賊兵破州城殺廷楠未幾撲滅而廷楠無子乃以庶支趙元基孫國桓襲傳子殿杠雍正三年以貪殘參革析其地爲上龍司下龍司改

設兩巡檢以趙陞爲上龍司巡檢趙墉爲下龍司巡檢七年趙墉以貪劣爲巡撫金鉗題參以地歸太平通判兼攝後改龍州廳 懇祥州宋爲懇祥峒屬永平寨元隸思明路明洪武初李昇內附置懇祥鎮永樂二年置縣成化八年升州以昇孫李廣密爲知州時又屬安南仍歸明屬太平府傳至李維藩清順治十六年歸附仍予世襲 江州宋置屬古萬寨元隸思明路明因之洪武初以黃威慶爲知州傳至黃廷傑清順治十六年歸附仍襲舊職

鎮安府在省西宋時於鎮安峒建右江軍民宣撫司元改鎮安路明洪武元年改府授土官岑天保爲知府清順治間土官故絕沈文崇叛據其地十八年發兵撲滅之康熙二年改置流官通判雍正十年改知府 都康州宋置隸橫山寨元屬田州路明洪武三十二年復置州永樂初以獨斌爲知州隸思恩府傳至馮太一清順治九年歸附襲舊職雍正七年鎮安設府改隸鎮安 上映峒宋置州明初廢爲峒以許尚爵襲傳至許國泰清順治初歸附仍予舊職 湖潤寨宋時置州明初廢州爲寨降巡檢司傳至宗熙清順治九年歸附仍給巡

五  
易  
利

三

檢司印世襲

甘肅

甘肅明時屬於陝西西番諸衛河州洮州岷州番族土官明史歸西域傳不入土司傳實則指揮同知宣慰司土千戶土百戶皆予世襲均土司也清改甘肅爲省各土司仍其舊有捍衛之勞無悖叛之事楊應琚曰按西甯土司計十六家皆自明洪武時授以世職安置於西疆二屬是時地廣人稀城池左近水地給民樹藝邊遠旱地賜各土司各領所部耕牧內惟土司陳子明係南人元淮南右丞歸附餘俱係蒙古及西域鄉頭或以元時舊職投誠或率領所部歸命李氏祁氏冶氏皆膺顯爵而建忠勳迨至我朝俱就招撫孟總督裔芳請仍錫以原職世襲今以百年輸糧供役與民無異惟是生息蕃庶所分田土多鬻民間與民錯雜而居聯姻而社並有不習土語者故土官易制絕不類蜀黔諸土司桀骜難馴也今甯都外亦有土弁合紀其始末爲一卷

狄道州 脫鐵木兒蒙古人明初授陝西平章宣慰使司都元帥隨大將軍徐達招撫十八族鐵城岷山等處賜姓趙更名安授臨洮衛土官指揮同知正統十年卒子英製傳至趙師范清順治二年底定隴右師范率子樞勑歸附仍令管理臨洮衛指揮使土司事務同治元年河回猖亂趙壇領土兵防守州城二年壇赴洮州卓泥調撥鐵布番兵適州城失守敕書號紙均燬四年回匪圍鞏昌壇赴陝甘大營請援行至董家堡遇害以兄子元銘爲繼光緒二十年襲職領兵部號紙二十一年河回復叛渡河攻城元銘率土兵五百由抹邦河進剿至城南川適統領威定軍何建威拔狄道亦至遂會軍抵河州何以元銘勇委帶威定前管駐城南黃家灘於邊家灣三家集羅神廟等處屢捷解河州圍加二品銜勇號趙氏世居檜柏莊

河州 何貞南河州人元授陝西平章宣慰使司都元帥明初投誠賜姓何授河州衛土官指揮傳至何永吉清順治二年歸附五年回變其子揚威帶兵有功請給號紙世襲至乾隆年趙武襲撤回叛亂武同子大臣在老猶南召等關

防禦四十九年石峰堡之變父子防禦盡職嘉慶四年教匪由川入甘時武患病委于大臣在南界景古城隣歌灘防堵同治二年武元孫何炳繼兵火倏起守城有勞復獲渠魁李法正賞戴花翎光緒四年襲職 韓哈麻元明時授河州衛土司清初歸附乾隆十四年河州發給土千戶委牌子霆襲四十六年撤回猖獗統兵固守旋因修蓋佛寺違禁斥革繙鹽茶回變防禦有功總督福康安給土司外委劄付霆曾孫鈞同治初與賊接仗陣亡子廷俊同治十年禦賊八峴山口身先士卒刀石弗避左宗棠賞給養傷銀兩又有韓完卜者世襲指揮使清初歸附其後韓千貫以劄印遺失授爲外委土司雍正間韓世公因逆夷跳梁把隘無失仍授指揮使霆卒子成璘襲乾隆四十六年陣亡咸豐十一年韓廷佐襲韓氏世居韓家集

岷州 馬紀自云伏波將軍後裔元至正間因防守哈達川九族授指揮使職家岷州衛子珍明洪武間以功授世襲土官百戶清順治二年馬國棟歸附授原職馬氏世居宕昌城 后成明鎮守指揮能之季子景泰間守禦洮州成子

環成化間征烏斯藏有功授世襲土官百戶清初后承慶內附爲外委百戶康熙三十年割委任事乾隆九年永慶孫發葵始實授土百戶后氏世居瀘都溝趙黨只管卜岷州衛人明洪武間授世襲土官百戶清初趙應臣內附爲外委土官康熙二十一年授其子之鼎原職趙氏世居麻竜里以上三土司所轄雖號土民與漢民無殊錢糧命盜重案俱歸州治土司不過理尋常詞訟而已后祥古子岷州衛人明洪武二十八年以功授世襲土官百戶清順治間后希魁歸附授外委百戶希魁曾孫榮昌實授土百戶光緒初后振興改襲土把總后氏世居閭井東綽思覺革那族生番也明宣德間授土官副千戶傳至宏基順治十六年歸附因事革配康熙十四年其堂弟宏元於吳逆之變恢復洮岷有功靖逆侯張勇題敘仍授世襲副千戶二十九年宏元子廷賢雍正初與黃番煽亂改土歸流

洮州廳夢的洮州衛卓泥族番人明永樂二年率蠻番達拉等族投誠十六年授土官指揮僉事正德間玄孫旺秀調京引見賜姓名楊洪傳至楊朝樸於

順治十八年歸附仍給割管理土務爲外委土司康熙十四年吳三桂亂助饑授拜他喇布勒哈番准襲二次二十年朝樑子威襲四十五年威子汝松襲汝松子冲嘗仍襲指揮僉事五十一年黑番爲亂助剿有功前山十八族後山十九族黑番俱給令管轄曾孫宗業襲職撒拉回變以功賞三品頂戴花翎四十九年鹽茶回變兩剿石峰堡賞大綬二疋嘉慶十九年宗業弟宗基襲兼攝禪定寺僧綱宗基子元道光二十四年襲同治中奉總督左宗棠檄剿循屬撒匪收復洮州新舊二城歷獎至頭品頂戴志勇巴圖魯光緒六年子作霖襲職亦以軍功得頭品頂戴兵部號紙兼攝護國禪師日益誇大小弱者割地以鬻遂并有衆土司地作霖曾孫積慶光緒二十八年襲楊氏世居卓泥堡地最大南至階文西至四川松潘界土司中最強者自以爲楊業之裔明正德賜姓之事則已茫然如矣 習南秀節洮州衛底古族西番頭目明洪武十一年率部落投誠十二年督修洮州邊濠城池十九年隨指揮馬煜征贛州以功授本衛世襲中千戶所百戶子卜爾結於洪武三十年襲二十五年同指揮李凱等招撫

番夷等認納茶馬永樂三年賜姓皆宣德五年以護送侯顯功陞本衛實授百戶傳至曾承福清順治十年歸附奉洮州衛軍民指揮使司劄付曾天錫於光緒二十年承襲曾氏居寶卜族 永魯箭刺肖洮州衛著遜族番人明永樂間以功授土官百戶傳至永子新清順治間歸附襲職永隆於光緒二十五年承襲永氏居著遜隘口

西甯縣 祁貢哥星吉元裔初封金紫萬戶侯世守西土洪武元年歸附五年招撫西番授副千戶以追剿西番亦林貢卉陣亡子鎮南襲永樂十年從西甯侯宋琥追捕番酋老的罕等於討來川予正千戶傳至祁廷諫襲職崇禎十六年闖寇賀錦擾西寧廷諫率子興周與戰斬錦已而賊黨愈熾並被俘送西安清順治二年其親王阿濟格至西安破走逆闖得廷諫賞衣帽鞍馬綵緞銀兩令回西甯安撫番族仍授本衛指揮使世襲十年病休興周先以戰功授大靖營參將至是襲職會吳逆叛與周子荆璞隨總兵王進寶克復蘭州臨鞏諸城同治元年撤回復亂祁敘古防堵有功十一年爲土番拉莫丹所控革職母李

氏代理指揮使印光緒十五年以巡防功復職祁氏世居寄彥才溝

陳義江

蘇山陽人父子明元淮安右丞至正二十三年明常遇春兵至淮南率衆投誠洪武七年隨李文忠北伐有功授隨征指揮僉事十六年從征陣亡義襲父職調任燕山右護衛靖難兵起從燕王轉戰陞山西潞州衛指揮同知永樂元年隨新城侯張輔征甘涼旋扈成祖征木雅失里遂北至紅山口遷指揮使又從耿炳文駐防甘肅授西甯衛世襲指揮使崇禎初陳師堯隨洪承疇守松山陣亡清順治二年陝西總督孟喬芳收甘肅師堯弟師文歸附五年甘州回米刺印丁國棟反隨鎮羌參將魯典戰賊烏稍嶺仍襲西甯衛指揮使同治元年撤回作亂總督沈兆霖率師進剿檄陳興恩守癿思親光緒四年子迎春襲陳氏世居陳家臺李文西番人父賞哥元都督指揮同知明洪武初投誠傳至李洪遠襲指揮同知職崇禎十六年李自成黨陷甘州獨西甯不下賊將辛恩貴攻破之洪遠與其妻祁氏贊家丁一百二十人死於難清順治七年洪遠子珍品歸附仍與原官咸豐八年李爾昌襲同治元年撤拉回作亂隨大軍進剿賞

藍翎李氏世居乞塔城 納沙密西番人明洪武四年投誠授總旗清順治二年納元標歸附仍襲指揮僉事同治元年總督沈兆霖督軍進討撤回納朝珍奉檄守南川什張加光緒四年朝珍子延年襲納氏世居納家莊 南木哥姓 汪氏西甯州土人明洪武四年投誠累除金吾左衛中衛所副千戶加指揮僉事傳至汪陞龍清順治二年歸附仍襲指揮僉事同治元年撤回反南進善隨大軍前赴巴燕戎格所屬曲林莊防剿二年西甯逆回悉叛奉檄守府城十一年回亂平招集流亡土民復業光緒十九年子祖述襲汪氏世居海子溝 吉保西番人洪武四年投誠授百戶二十三年調錦衣衛前所鎮撫子朵爾只襲清順治二年吉天錫歸附十二年仍襲指揮僉事吉氏世居癿迭溝

循化廳 韓寶元撒拉爾回人明洪武三年投誠授世襲昭信校尉管軍百戶職銜傳至韓愈昌清康熙間歸附蒙靖甯將軍張劄委都司職銜子炳撫番有功於雍正間奉兵部號紙襲土千戶管西鄉上四工韓姓撒拉 赫沙班明時撫番有功授世襲撒拉族土百戶清順治間歸附管東鄉下四工馬姓撒拉癿

藏土百戶王國柱清順治二年歸附授原職管番民明時防戍小土司也

大通縣

曹通溫布大通川人乾隆元年以功補大通川土千戶世襲每年應納貢馬二十四匹共折銀一百七十三兩後因回亂番民逃亡總督左宗棠咨部暫以半價交納由大通縣管理

璣伯縣 茶爾只失結蒙古人元甘肅行省右丞洪武四年投誠六年授西寧

衛指揮僉事子端竹襲旋調守西甯衛建文元年從南軍征北平陣亡子祁震襲始以祁爲氏祁秉忠明史有傳秉忠姪國屏襲都指揮同知崇禎十六年流寇蹂西甯力抗之清順治二年歸附五年甘州回陷甘涼肅諸州國屏隨總督孟喬芳進剿復甘州九年授西寧衛世襲指揮同知子伯牙襲吳三桂反平涼提督王輔臣叛應之逆黨陷鞏昌臨洮蘭州伯牙統各土司隨西甯鎮總兵王進寶東征平蘭州累官至鑾輿使聖祖親征噶爾丹仲牙扈從擢署溫州鎮總兵回籍以原官署理指揮同知印務雍正元年青海曾羅卜藏丹津叛大將軍年羹堯檄祁在塔守大峽口撒拉陷河州塔姪調元率土兵守璣伯城鹽茶回

田五作亂調元守魯班峽同治元年撤回作亂調元曾孫承誥協同防禦以勞  
疾卒承誥妻劉氏護理印務光緒十一年子貴玉襲祁氏世居勝番溝 李南  
哥西番人自云李克用裔元西甯州同知明洪武初投誠授指揮僉事世襲招  
撫流散收捕黑章砸等處番賊永樂五年卒子英襲獲番酋老的罕進都指揮  
僉事二十二年中官鄧成等使西域道安定曲先遇賊見殺掠所齎金幣仁宗  
初立諭赤斤罕東及安定曲先詰賊主名而勅英與指揮康壽等進討英言知  
安定指揮哈三孫散哥曲先指揮散郎思實殺使者遂率兵西入賊驚走追擊  
踰崑崙山深入數百里至雅令闢與安定賊遇大敗之俘斬千一百餘人獲馬  
牛雜畜十四萬曲先賊聞風遠遁安定王榮爾加失夾等懼詣闕謝罪宣宗嘉  
英功遣使褒諭宴勞之令馳驛入朝既至擢右府左都督宣德二年封會寧伯  
祿千一百石並贈南封子爵英恃功驕所爲多不法甯夏總兵史昭奏英有異  
志英上章辯賜勅慰諭之英家西甯招逋逃七百餘戶置莊墾田豪奪人產復  
爲兵部及言官所劾追逃者入官傳至李天愈聞寇餘黨蹂惶中天愈被執送

西安其家殉難者三百餘人清順治二年英親王阿濟格至關中流寇潰散天  
命賜王王賜衣冠鞍馬銀兩彩綵令回西甯招撫番族五年甘州回米刺印反  
十年授西甯衛指揮同知世襲吳三桂黨陷蘭州總兵王進寶檄其子澍從征  
澍與弟治預調水夫五百餘名各造木筏五十餘隻由新城河口背濟官軍並  
率土兵千餘騎繼進遂復蘭州臨羣諸城擢遊擊傳至李長年光緒四年襲職  
李氏世居上川口 趙榮爾岷州人元招藏萬戶明洪武三年投誠傳至趙瑜  
清順治二年歸附十八年仍襲指揮同知同治初撤回不靖總督沈兆霖進剿  
檄趙永齡率土兵隨官軍搜剿山後巴燕戎格等處逆黨光緒七年永齡襲職  
趙氏世居趙家灣 失刺蒙古人元甘肅省郎中明洪武初投誠選充小旗子  
阿吉襲小旗始以阿爲氏扈成祖北征阿魯臺戰魁列兒河有功遷總旗傳至  
阿鎮清順治二年歸附依舊世襲同治四年逆回陷老鴉堡阿文選率土兵禦  
賊於隘衆寡不敵死之部下贈焉光緒九年文選子保衡襲二十年保衡子成  
棟襲阿氏世居老鴉白崖子 帖木錄西寧衛土人元百戶洪武四年投誠授

原職子大都從都督宋晟討西番叛賊獲捷遷千戶永樂七年卒子甘肅襲職始以甘爲氏崇禎十六年流寇擾西甯甘繼祖家被掠失承襲號紙滿順治二年歸附吳三桂逆黨延及隴右繼祖子廷建率土兵三百守黃河渡口復隨王進寶征討隴右以安敘功襲指揮僉事原職甘鍾英光緒四年襲甘氏世居美都川 亂鐵木西甯州土人明洪武四年投誠充小旗子金剛保從成祖北征追木雅失里不及移征阿魯台連戰於元冥河於靜慮鎮於廣漢戎皆有功復從指揮李英討番曾老的罕於沙金城大破之二十年再扈成祖北征敗賊於魁列兒河擢千戶子朱榮襲職始以朱爲氏從都指揮李英追安定賊與戰深入沒於陣數傳至朱秉權值明末流寇賀錦之亂失官誥號紙順治二年秉權偕子廷璋歸附康熙四十年仍授指揮僉事世襲數傳至朱協同治四年湟中羣回肆逆協殉難光緒十一年協子廷佐襲朱氏世居朱家堡 薛都爾丁西域纏頭回人元甘肅省僉事明洪武四年投誠授小旗子也里只補役洪熙元年從征安定賊有功擢所鎮撫子也陝捨襲陝捨孫祥更姓治氏順治二年治

鼎歸附仍予世襲治氏世居米拉溝 李化繁明世襲西甯衛指揮同知化龍  
之弟錦衣衛指揮使光先之次子清順治二年歸附授職百戶光緒十五年李  
長庚襲李氏世居九家巷 朵力亂西甯州土人明洪武四年投充小旗子七  
十狗補役係辛莊奴始以辛爲氏清順治二年辛偉鼎歸附仍授試百戶職同  
治四年回亂湟中堡塞俱燬辛德成挈其子裕後避賊居藏地光緒十二年歸  
里裕後襲辛氏世居王家堡 哈喇反西甯州土人明洪武四年投充小旗子  
薛帖里加替役以功授百戶子喇苦襲以功陞副千戶遂以喇爲氏清順治二  
年喇光耀歸附給與指揮僉事劄付喇氏世居喇家莊

平番縣 翁卜失加元裔父脫歡封武定王兼平章政事明洪武四年率諸子  
部落投誠太祖授翁卜失加爲百夫長俾統所部居莊浪以功陞百戶永樂初  
殉阿魯台之難傳子失加累署莊浪衛指揮同知賜姓魯氏子鑑鑑子麟麟子  
經三世名將明史有傳崇禎十年以經曾孫印昌任西寧副總兵及閩寇犯河  
西印昌散家財享士卒提兵至西大通遇賊黨賀錦揮兵奮戰部卒殆盡遂沒

於陣清順治十六年印昌子宏歸附襲指揮使錫之勅印宏卒嫡子帝臣幼以族人魯大誥代理土務會吳逆叛宏妻汪氏捐軍糧四百石宏曾孫璠乾隆四十六年撤拉回攻圍蘭州率土番兵三百人赴援戰於亂古堆坪賊慄甚兵無後繼璠負重傷裹創力戰竟突圍歸營事聞加一等職銜花翎茶回復反璠領土番兵防守蘭州城道光六年逆回張格爾犯邊揚威將軍長齡進討璠子紀勤奉檄購辦駝隻運軍糧九年官兵進剿安集延仍承辦駝隻紀勤娶額駙阿拉善親王女緣此習尚奢豪盛極而衰嫋保如皋襲咸豐初如皋助軍餉七年省城修建錢局捐本管山場木植數萬株加二品頂戴花翎同治初回亂以功加副將銜十三年西甯肅清加提督銜譽勇巴圖魯光緒十九年如皋卒子叢幼母和碩特氏護土務二十一年四月叢嗣職魯氏自叢以上世襲掌印土司指揮使駐紮莊浪分守連城 把只罕元武定王平章政事長男明洪武四年隨父來降授指揮僉事後賜姓魯氏數傳至魯典清順治二年歸附陝西總督孟喬芳嘉其功委署鎮海營參將隨大軍征剿數傳至魯緒周同治三年回

變緒周率所部禦賊陣亡子熹襲職光緒十一年子服西襲職自服西以上世  
襲掌印土司指揮僉事 魯鏞元裔與魯鑑同族明時以官舍隨征授總旗清  
順治二年魯大誥隨魯希望等歸附仍授前職光緒十九年魯瞻泰襲自泰以  
上世居古城襲土指揮使 魯之鼎與魯典同族明時世襲土指揮副使清順  
治二年隨典歸附光緒十八年魯維禮襲職自維禮以上世居大營灣襲土指  
揮副使 魯福魯鑑次子從鑑征討屢立戰功清順治二年魯培祚隨魯典歸  
附光緒十七年魯應選襲職世居西大通峽口襲土指揮同知 魯國英元裔  
明正千戶清順治二年魯大誠投誠隨魯典剿甘涼回逆力戰陣亡子景成仍  
襲正千戶世職光緒五年魯福山襲世居古城 魯三奇元裔明世襲副千戶  
清順治二年三奇隨同族魯典歸附光緒十六年魯政襲職世居馬軍堡 西  
坪土官楊茂才明正百戶清順治二年隨魯典投誠數傳至楊得榮同治中逆  
回叛得榮避難不知所終 西六渠土官何倫明時充小旗清順治二年何進  
功隨魯典歸附數傳至何萬全同治四年捍禦逆回創重而卒子臣福襲 楊

國棟明指揮同知清順治二年歸附九年復襲指揮同知後無考 魯察伯明  
實授百戶清初歸附康熙十六年子魯襄仍襲實授百戶後無考 海世臣明  
指揮僉事世臣子龍襲前職清順治二年海洪舟歸附九年仍襲指揮僉事後  
無考